

## الغدیر صاحبی علامه امینی

غدیر خم واقعه سینی مطرح ائله‌ین الغدیر کتابی اسلام دنیاسی‌نین لاپ بؤیوک کتابلاریندان و مسلمانلارین وحدتینه لاپ دَیرلی سندلردن ساییلیر.

غدیر خم واقعه سینی مطرح ائله‌ین الغدیر کتابی اسلام دنیاسی‌نین لاپ بؤیوک کتابلاریندان و مسلمانلارین وحدتینه لاپ دَیرلی سندلردن ساییلیر.

بو کتابین یازانی بؤیوک علامه؛ عبدالحسین امینی ایدی کی 1282 هجری قمری ایلینده آذربایجانین سراب شهرینین سویوقلار کندینده دنیا یا گلپ.

عبدالحسین جدی «امین الشرع» او زمانین بؤیوک لریندن ایدی و اونون آدینا گؤره علامه «امینی» یه مشهور اولوب.

بو بؤیوک عالم 14 یاشیندان تبریزین طالبیه مدرسه سینده تحصیله باشلادی و 6 ایل سونرا نجف اشرف مشرف اولدو. اجتهاد درجه‌سیه چاتاندان سونرا اونون مجتهدلیگی او زمانین بؤیوک مجتهدلری طرفیندن تأیید اولوندو.

او چوخلو کتاب و تألیفاتیندان سونرا لاپ مهم اثری اولان و اسلام دنیاسی‌نین بیرلیغیندن بؤیوک آدیم ساییلان الغدیر کتابینی یازماغا باشلادی.

شیعه‌نین بؤیوک عالمی سنی بؤیوک لریندن و پیغمبرین یاخین صحابه سیندن نقل اولان حدیثلر و روایتلری بیر یئره ییغیب شیعه اعتقادلاری‌نین حقایقینی ثابت ائله‌ماغا گوجلو بیر کتاب یاراتدی. بو متابین استدلالی او قدر قدرتلیدیر کی چوخ سنی شخصیتی حقیقت اینن تانیش ائله‌دی. عصار العمار عراقلی محقق بو باره‌ده یازیر: علامه امینی الغدیر کتابی اینن غدیر خم حدیثینی سنی لرین جانیندا تازادان دیریلدی. من اؤزوم سنی ایدیم بلکه وهابی ایدیم اما الغدیر اوخویاندان سونرا شیعه اولدوم.

علامه بو کتابی یازماق اوچون 40 ایل یویونجا هند، مصر، ترکیه، سوریه و عراق کیمی مختلف اولکه‌لره سفر ائله‌دی.

علامه امینی عمرونون آخر 17 ایلینی امیرالمؤمنین علی (ع) آدینا مزین اولان و 63 مین جلد کتابی اؤزوندن یئرلشدیرن بؤیوک کتابخاناسی‌نین کناریندا و علوی حرمین یاخینلیغیندا سوودو.

نهایتده 1349 هجری شمسی ایلین تیر آیین 12-سینده جمعه گونو 70 یاشیندا حقین رحمتینه قووشدو.

لینک مطلب در سایت : <http://torki.tebyan-tabriz.ir/?MID=21&Type=News&id=995>

